

բաթաթերթ, պատասխանում են, որ Կովկասի քաղաքական վարչության ղեկավարությունը նպատակաճարմար չի գտնում թույլատրել իրեն վստահված երկրամասում հայերեն լեզվով պարբերական մամուլի զարգացումը²⁵:

Ճարական պաշտոնյաները փորձում էին թշնամանք սերմանել կովկասյան ժողովուրդների միջև: 1885 թ. փակվեցին Կովկասի հայկական դպրոցները:

1883 թ. նոյեմբերի 24-ին Ռուսաստանի հաղորդակցության մինիստրը կառավարությանը հայտնում էր իր այն ձեռնարկումների մասին, որոնք ուղղված էին հաղորդակցության քնազավառում աշխատող հայ պաշտոնյաներին հայաբնակ վայրերում ունեցած պաշտոններից ազատելուն և այլ շըրջաններ տեղափոխելուն: Այդ ուղղությամբ միջոցառումներ էին ձեռնարկվում նաև մյուս զերատեսչությունների գծով²⁶:

Ճարական կառավարությունը թշնամական դիրք զրավեց նաև արևմտաուսյների ազատագրման նկատմամբ:

1883 թ. մայիսի 17-ին Մոսկվա՝ Մելքոն Փանյանին գրած նամակում Բաֆֆին զանգատվում էր, որ Եկառավարության տրամադրությունները Հայկական հարցի վերաբերմամբ այժմ ինչպես երևում է փոխվել է²⁷: Իսկ Եկայածիր» երկրորդ հատորի հրատարակության առիթով Բաֆֆոն արդեն մեղադրում էին հեղափոխություն քարոզելու մեջ, թեպետ այն ուղղված էր ոչ թե Ռուսաստանի, այլ Թուրքիայի դեմ: Գր. Արծրունին նույնպես դժգոհում էր, թե նախկինում գրաքննիչը՝ ինքը զալիս հորդորում էր խիստ հոգավածներ տպագրել Արևմտյան Հայաստանի վիճակի մասին, իսկ այժմ արգելում են գրել²⁸:

Ահա այս իրադրության մեջ, ուժեղացող ռեակցիային դիմադիր բարձրանում ու ծավալվում էր արևմտահայ ազգային-ազատագրական շարժումը:

3. ԱԶԱՏԱԳՐԱԿԱՆ-ՀԱՅՐԵՆԱՍԻՐԱԿԱՆ ԽՄԲԱԿՆԵՐՆ ՈՒ ԿԱԶՄԱԿԵՐՊՈՒԹՅՈՒՆՆԵՐԸ

Ռուս-թուրքական պատերազմից ու Բեռլինի կոնգրեսից հետո վերելք ապրող հայ ազատագրական շարժումը լայն թափ հաղորդեց Կ. Պոլսում և Թուրքիայի այլ քաղաքներում գործող և նորաստեղծ հայկական բարեգործական ընկերությունների աշխատանքներին:

1880 թ. հունիսի 1-ին Կ. Պոլսի Արարատյան, Դպրոցասիրաց-Արևելյան և Կիլիկյան հայկական բարեգործական ընկերությունները միավորվեցին «Միացյալ ընկերությունը հայոց» անունով:

Կ. Պոլսի ժամանած նոր սերնդի լիբերալ ներկայացուցիչները՝ Մ. Զեբազը Լոնդոնից, Մ. Փորթուզյանը՝ Վանից և Գր. Նիկողոսյանը՝ Թիֆլիսից, այլ գործիչների հետ միասին մտորում էին արևմտահայության ազատագրման ծրագրերը: Սակայն ազատագրական շարժման խթանող ուժը զավառն էր, որտեղ ծնունդ էր առնում և հուժկու թափ ստանում աշխատավոր զանգ-

25 Տե՛ս ՍՍՀՄ ԿՊՊԱ, ֆ. 776, ց. 12, գ. 49, 1883, ք. 8:

26 Տե՛ս նույն տեղում, ֆ. 229, գ. 1136 թ. 3—10:

27 Բաֆֆի, Երկրի ժողովածու, հ. 10, Երևան, 1964, էջ 572, 592

28 Տե՛ս «Գործ», № 3, մասն Բ, Բաթու, 1917, էջ 98:

վածների ըմբոստությունը: Վանում, Կարինում և այլ վայրերում կազմակերպված խմբակներն իրենց զործունեությունը նպատակամղեցին ղեպի հայ ժողովրդի ինքնապաշտպանության կազմակերպման, ապա զինված ապստամբություններով թուրքական լծից ազատագրման դժվարին ուղին:

Ռուս-թուրքական պատերազմից հետո Արևմտյան Հայաստանում ստեղծված զաղտնի կազմակերպություններից էր 1878—1879 թթ. Վանում ձևավորված «Սև խաչը»: 1881 թ. Կարինի «Պաշտպան Հայրենայաց» կազմակերպության ղեկավարներից մեկի՝ Խ. Կերեքջյանի այցելությունը Վան հնարավորություն է ստեղծում սերտ կապ հաստատել Արևմտյան Հայաստանի այդ երկու զաղտնի կազմակերպությունների միջև:

1882 թ. մայիսին, Ազգային սահմանադրության 22-րդ տարեդարձի օրը, Վարազում, տոնակատարությանը մասնակցելու նպատակով, զաղտնի կերպով զինվորական հագուստներ էին պատրաստվել հեծյալ ու հետիոտն այն հայ աշխարհազորայինների համար, որոնք պետք է ուղեկցեին երեք հազարանոց թափորին և որոնք «ամենքն ալ զինվորական մարզանքներով վարժված էին իբր զինվորներ, ունենալով իրենց սպաները, ենթասպաներ ու տասննապետներ»²⁹:

Վանում զործում էր «Զինակիր» կոչվող մի խումբ, որն զբաղվում էր ազատագրական մարտերի ապագա աշխարհազորայինների զինավարժությամբ: Կազմակերպված էր նաև «Քաղաքական ակումբ», որտեղ, ինչպես և Հայկազյան կենտրոնական վարժարանում, հայրենաշունչ դասախոսություններով հանդես էին գալիս Մկրտիչ Փորթուզայանը, Տաճատ Պեյլընյանը և ուրիշներ: Իսկ «Հայրենասերների միությունը», որի տեսուչն էր Մարկոս Նաթանյանը, փաստորեն «Սև խաչի» լեզալ մի թևն էր: «Սև խաչը» խստորեն պատժում էր այն հայերին, որոնք թուրքերին, քրդերին կամ պարսիկներին զենք էին վաճառում: «Սև խաչի» զործունեությունը շարունակվեց մինչև 80-ական թվականների կեսերը: Այդ կազմակերպությունը հանդիսացավ Արմենական կազմակերպության միջուկը:

Վասպուրականում ազատագրական շարժման ոգին Մ. Խրիմյանից, Մ. Փորթուզայանից և ռուսական փոխհյուպատոս Կ. Կամսարականից կազմված եռյակն էր:

Ռուսական բանակների հետ Կարին ժամանած Կոստանդին Կամսարականը, 1879 թ. արդեն որպես ռուսական փոխհյուպատոս, աշխատում էր Վանում: Նրա հանձնարարությամբ ռուսերենից հայերեն թարգմանվեցին փոխառու ընկերության կանոնները, Վանում ձևոնարկվեց ստեղծելու նման ընկերություն, որի շնորհիվ, նրա համոզմամբ, հայ գյուղացին կազառվեր վաշխառուի ճանկերից³⁰: Նա միջամտում ու լուծում էր հայերի և թուրքական իշխանությունների միջև եղած վեճերը, պաշտպանության տակ առնում օգնական կարիք զգացող հայ կարոտյալներին:

Կամսարականի հայասիրական զործունեությունը աչքի զարնվեց և ցարական կառավարությունը 1884 թ. նրան տեղափոխեց Արևմտյան Հայաստանից: 1885 թ. Բ. Դոան հրամանով Վանից արտաքսվեցին Մ. Խրիմյանն ու

²⁹ Հ. Ճակոբյան, Հիշատակներ հայկական ճգնաժամեն, մասն Ա—Բ, Կ. Պոլիս, 1913, էջ 89:

³⁰ Տե՛ս Ա. Թովմախյան, Հայրենիքի պահանջները և հայ գյուղացին, Թիֆլիս, 1881, էջ 83:

Մ. Փորթուգալյանը: Քիչ ուշ շարժման մեջ կարևոր դեր սկսեց խաղալ Մկրտիչ Ավետիսյանը (Թերլեմեզյան):

Հիշյալ եռյակին հարած խմբավորումն ուներ հակառակորդների մի ամբողջ բանակ Վանի նախկին առաջնորդ Պողոս վարդապետ Մելիքյանի ղեկավարությամբ, որոնք իրենց հակառակորդների՝ ապողոսյանների կողմից պախարակվում էին որպես հայրենիքի դավաճաններ: 1886 թ. հունիսին Վանի առաջնորդական ընտրությունների ժամանակ թուրքական իշխանությունները փորձեցին սվիխների ուժով Պողոսին առաջնորդի ամրոփն բազմեցնել, բայց ժողովրդական բողոքի ալիքն այնպիսի կերպարանք ստացավ, որ շուտով վերածվեց զինված ընդհարման: Սակայն այն անողորմաբար ճնշվեց: Վանի ժողովրդական հուզումների այդօրինակ թափը նույն 1886 թ. Պողոսին հորձանքով բռնեց ղեպի կիմ անապատի մեկուսարանը, իսկ 1896 թ. սպանվեց ժողովրդական վրիժառուի զեղակով:

Շուտով ոստիկանությունն արգելեց «Քաղաքական ակումբի» գործունեությունը: Շուկայի պատին փակցված հայտարարությունը, ուր նշված էր Փորթուգալյանի բանախոսության թեման՝ «Ժամանակը հասնո է, հայեր ի՛նչ ընենք» իր վրա հրավիրեց Վանի գլխավոր դատախազ Ռաիֆ բեյի ուշադրությունը, և նա ակումբի գործունեությունն ու դասախոսությունները դադարեցնելու հրաման սվեց, իսկ Փորթուգալյանն իշխանությունների կողմից հարցաքննության ենթարկվեց որպես «գրգռիչ»:

«Սև խաչ» կաղամկերպությունը փորձեց նախապատրաստել Գավաշի (Ռշտունիք) և շրջակա գյուղացիության ինքնապաշտպանությունը: 1880 թ. վերջերին, 1881 թ. սկզբներին Վանի հայ երիտասարդությունը հանդես էր գալիս կառավարության դեմ ուղղված զինված ապստամբության բացահայտ կոչերով: «Եթե Հայկական հարցը դրականորեն չլուծվի,— գրում էր այդ առթիվ Կ. Կամսարականը Կ. Պոլսի ռուսական ղեսպանին,— ապա հայերի կողմից ապստամբական շարժումները թուրքական կառավարության դեմ անխուսափելի են»³¹:

Այդ օրերին, հայ ազգաբնակչության հետ հաշվեհարդար տեսնելու նպատակով, Վանի թուրքական իշխանությունները համալրում էին բերդի կայազորը, զինում բոլոր մահմեդականներին, բռնազրավում հայերի մոտ պահված զենքեր: Սրան ի պատասխան, և ի լրումն քաղաքի պատերին փակցված մարտական թռուցիկների, հայերը գաղտնի տարածում էին «Դիտող» ստորագրությամբ նամակներ, ուր գատապարտվում էին նահանգապետի ցուցումով կատարվող ապօրինությունները:

Աղատագրական շարժումն իր մեջ էր առել Վանը, Մուշը, Բիթլիսը և Արևմտյան Հայաստանի ու Թուրքիայի տարբեր շրջանների հայաշատ ալլ քաղաքներ: Բնույնի կոնգրեսից հետո աղատագրական պայքարի իր գործունեությամբ Կ. Պոլսում, Երզնկայում ու Դերսիմում աչքի ընկավ Կարապետ Ղումրիկյանը:

Մշեցի Հակոբ սարկավազ Ղևոնդյանը (Տեր-Ղևոնդյան), 1879 թ. Կ. Պոլսում հրատարակած բանաստեղծությունների իր ժողովածուում, բուլղարների օրինակով զենքի դիմելու և անկախության նվաճման կոչ էր անում: 1880 թ. Կ. Պոլսի պանդուխտների գլուխ անցած նա մի բողոքագիր ներկա-

31 ԲԱՔԱ, ֆ. Կոստանդնուպոլսի ղեսպանություն, 1881, գ. 1567, ք. 21—22:

յացրեց սուլթանին, որի համար էլ բանտարկվեց: Բանտից ազատվելով, անցավ Մուշ և ակտիվորեն մասնակցեց գաղտնի խմբակների աշխատանքներին: 1883 թ. սկզբներին Շ. Ղևնդյանի ձիու թամբը ստուգելիս ոստիկանները հայտնաբերեցին «խռովարար թղթեր» և նա նետվեց Մուշի բանտը:

Սասունցիների հետ համախմբվելու և միացյալ ուժերով ապստամբական շարժումներ սկսելու նպատակով 1878—1880 թթ. եռանդով գործում էր «Թուշիկ Պեղասյանի» նախկին խմբագիր Գրիգորիս Ալեաթնյանը: Իսկ Մուշում ոգեորոշվումն այնտեղ էր հասել, որ Առաքելոց վանքի Միացյալ ընկերության Մուշի կենտրոնական վարժարանի սաները փողոցներում ու շուկայում շրջում էին՝ բարձրաձայն երգելով. «Կործանի Տաճկաստան, Կեցցե Հայաստան...» Դրա համար վարժարանի տեսուչ Մկրտիչ Սարգսյանը նախ զգուշացվեց, ապա 1884 թ. որպես «խռովարար» ձերբակալվեց, իսկ 1887 թ. վերջերին կառավարական հրամանով վարժարանը փակվեց:

«Պաշտպան Հայրենյացի» առնչությամբ Կարինում կատարված ձերբակալությունների օրերին Բիթլիսի նահանգապետն իր գրասենյակի վրա անհայտ ձեռքով գրված հայերեն մի նամակ է գտնում, ուր պայմանաժամ էր տրված, շորս օրվա ընթացքում հեռանալ քաղաքից, այլապես գաղտնի ընկերության գործադիր խորհուրդը հայտնում էր, որ որոշում է ընդունել սպանել նրան: Սարասփը համատարած էր և նահանգապետը շտապեց ճողոպրել Սղեմ: Երզնկայում ղինվորական խստագույն միջոցներ ձեռնարկվեցին շարժման ենթադրվող հնչուղերը վերացնելու և ապստամբությունը կանխելու համար:

1882 թ. տպագրած մի ոտանավորի պատճառով փակվեց «Մամուլը» և բանտ նետվեց նրա խմբագիր Գ. Ալվազյանը, որին մեղադրում էին նաև «Պաշտպան Հայրենյացի» հետ կապեր ունենալու մեջ, Հայ ժողովրդին «հինգ-հարյուրամյա քնից» արթնանալու կոչող այդ ոտանավորը ստորագրված էր կյուրիցի Սանուկ Զգոնյանի անունով, ռուսի ձերբակալություններ սկսվեցին նաև Կյուրինում (Սերաստիայի մոտ):

Կարինի «Պաշտպան Հայրենյաց» կազմակերպությունը: 80-ական թվականների սկզբների արևմտահայ ազատագրական շարժման պատմության մեջ կարևոր դեր խաղաց Կարինի «Պաշտպան Հայրենյաց» կազմակերպությունը: Բեռլինի կոնգրեսին հաջորդած հուլիսինայի մի շրջանում Կարինի երիտասարդության ջանքերով հիմնադրվեց «Բարձր հայոց ընկերությունը»: Թուրքական իշխանությունները «Բարձր» բառի մեջ ինչ-որ քաղաքական երանգ տեսնելով այն արգելեցին: Սակայն 1881 թ. մայիսին, խաշատուր Կերեքյանի ջանքերով հիմնադրվեց «Պաշտպան Հայրենյաց» դաշտնի կազմակերպությունը: Հրապարակորեն «երկրագործական ընկերություն» անվել անունը կրող այս կազմակերպության ղեկավարությունն իրականացնում էր հինգ հոգուց կազմված խորհուրդը: Հայ ժողովրդին ազգային-ազատագրական պայքարի հանելու հետամուտ այս կազմակերպության առաջնահերթ խնդիրը հայ ժողովրդի ինքնապաշտպանության կազմակերպումն էր, ապա և սպա-բարը ժողովրդի քաղաքական ազատագրության համար³²:

«Պաշտպան Հայրենյացը» ուներ տասննապիտուկան կազմակերպական

32 Տե՛ս Բ. Փ. Հովհաննիսյան, Արևմտահայ ազգային-ազատագրական շարժումները և Կարինի «Պաշտպան Հայրենյաց» կազմակերպությունը, էջ 282—333:

սկզբունքը նրա տարրերը ջոկատներում ընդգրկված աշխարհադրայինները նախօրոք ոչ մի առնչություն չպետք է ունենային միմյանց հետ, չպետք է ճանաչեին ընկերության հիմնադիրներին ու ղեկավար գործիչներին: Կազմակերպության անդամներից, առանց բացառության, երդում էին ընդունում, և այդ երդմնագրերը պահվում էին տասնապետների մոտ³³:

Գործնական օգնություն ստանալու նպատակով Կերեքցյանը մեկնում է Թիֆլիս, ապա՝ Նրևան: Թիֆլիսում հանդիպումներ է ունենում արևելահայ մի շարք գործիչների հետ և համաձայնության գալիս, որ նրանցից մեկը, ապրտամբության հարցը խոր և բազմակողմանի ուսումնասիրելու և կազմակերպության աշխատանքներն առավել գործնական դարձնելու նպատակով մեկնի Կարին: Այդ առաքելությամբ 1882 թ. հուլիսին Կարին են ժամանում Բագրատ Նավասարդյանը և Արսեն Թոխմախյանը, ինչպես նաև Հարոն (Նիկողայոս Տեր-Հարությունյան): Կարինում Բ. Նավասարդյանն օգնում է «Պաշտպան Հայրենյացի» կազմակերպական ամրապնդմանը:

Միջոցներ են ձեռնարկվում Անդրկովկասից և այլ վայրերից զինք ձեռք բերելու: Նախատեսվում էր զինքի հայթայթումը կազմակերպել հայ վաճառականների միջոցով: Դրա համար կամավոր նվիրատվություններ էին կատարում կազմակերպության բիշ թի շատ ունևոր անդամները: Տարբեր նպատակների անվան տակ անց էր կացվում հանգանակություն: Կազմակերպությունն ուներ նաև զինագործական զաղտնի արհեստանոց՝ Չալարայի հեռավոր թաղամասում, Կարինի հայտնի զինագործ Ավետիս Վեմյանի ղեկավարությամբ, որը 1882 թ. կեսերին պատրաստվում էր որպես կազմակերպության ներկայացուցիչ մեկնել Զեյթուն և մնալ այնտեղ, Զեյթունում կենտրոնացված զինագործարան ստեղծելու մտադրությամբ:

«Պաշտպան Հայրենյացի» ղեկավարությունը տեղերում իրագործելու նպատակով որոշվում է Արմատյան Հայաստանի քաղաքներում ստեղծել հեղափոխական խորհուրդներ: Մշակված էր նաև կենտրոնների համար նշանաբանը՝ ամիսը մեկ փոխելու կարգ: Կազմակերպությունը պատրաստել և տարածել էր հեղափոխական թուղթիկներ:

Զերբակությունների ժամանակ Պալաս Տեր-Ղազարյանի մոտ գտնված անդամատոմսը ցույց է տալիս, որ կազմակերպությունը ունեցել է մեծ թվով համակրողներ: Իսկ կոշկակար Հարությունի մոտ եղած տոմսը վկայում է նրա Հայկական աշխարհադրի ենթասպա լինելը³⁴:

Կերեքցյանների տանը, ուր սկզբում տեղավորված էր «Պաշտպան Հայրենյացի» գաղտնի վիմագրատունը, տպագրվում է կազմակերպության 2400 անդամատոմս, որից 340-ը ուղարկվում է Վանի հեղափոխական խորհրդին: Կազմակերպության գերագույն խորհուրդը ջանքեր գործադրեց կապեր հաստատել նաև քրդերի հետ:

1882 թ. նոյեմբերին «Պաշտպան Հայրենյացը» դիպվածով հայտնաբերվեց թուրքական իշխանությունների կողմից: Սկսվեցին ձերբակալությունները: Սակայն բանտարկվածների թիվը 76-ից չանցավ շնորհիվ կազմակեր-

33 Կազմակերպության անդամները ստանում էին անդամատոմսեր, որոնք «Պ. Հ.» («Պաշտպան Հայրենյաց») ղրոշմով թերթիկներ էին: Նրդմնագրերի վրա նկարված էր խաչ-ձևված թուր և գալուշն ու զրված էր «Ազգային բարենպաստի ձեռնարկ»:

34 Տե՛ս ԲԱՔԱ, ֆ. Քաղաքիսիւ, 1881/1884 թթ., գ. 1625, ք. 113—119: Ռ. Փ. Հովհաննիսյան, ելված աշխ., Հավելվածը:

պոլիսյան տասնապետական կառուցվածքի: Զերբակալություններ սկսվեցին նաև Թուրքիայի հայաշատ այլ քաղաքներում:

Կազմակերպության հայտնաբերումից անմիջապես հետո թուրքական իշխանություններն իրարանցման մեջ ընկան, և կուսակալի տազնապալի ու միտումնավոր հեռագրերն ազդարարեցին ողջ Արևմտյան Հայաստանը հեղափոխական շարժման մեջ լինելու և առաջիկայում Ռուսաստանի օգնությամբ հայկական ապստամբություն սկսվելու մասին: Նրզնկայում տեղավորված թուրքական 4-րդ բանակը շարժվեց դեպի Կարին: Քաղաքի վերջին հրանոթներն ուղղվեցին դեպի հայկական թաղամասերը: Այնպիսի իրարանցում էր սկսվել, կարծես «ահեղ բանակ մը օսմանյան գահուն հաստատությանը սպառնա»³⁵, Բայց հետո, երբ պարզվեց, որ այդպիսի իրարանցման հարկ չկա, նրանք հանդարտվեցին, և, Կ. Պոլսից ստացված հրահանգների համաձայն, ձերբակալություններն ու հարցաքննություններն սկսեցին կատարել ավելի զաղտնի:

Զերբակավածներին բանտում ենթարկում էին ահավոր խոշտանգումներ: Բայց ոչինչ չէր վճատեցնում հայրենասերներին: Այդ օրերին Կարինի հույները հանգանակություններ մի գտնար են հավաքում և իրենց առաջնորդի միջոցով հանձնում Մ. Օրմանյանին՝ ձերբակավածների ընտանիքներին օգնելու նպատակով: Դա հույն կազարնակչության համերաշխությունն էր իրենց հայ բարեկամներին:

1883 թ. ապրիլի 6-ին ավարտվեց մեղադրական եզրակացությունը: Պետական մեղադրողը հայտարարեց, որ կազմակերպության անդամները ցանկացել են հեղափոխական ճանապարհով Թուրքիայից անջատել «Օսմանյան երկրների մի մասը, այսինքն էրզրումը և շրջակայքը»³⁶: 1883 թ. ապրիլի 7-ին սկսվեց «Պաշտպան Հայրենյացի» 56 անդամների դատավարությունը, որն արևմտահայերի առաջին քաղաքական դատն էր Թուրքիայում: Փառասուն հոգի դատապարտվեցին տարբեր ժամկետների (3—15 տարի) բանտարկության: Որպես ղեկավարներ դատապարտվեցին խաչատուր Կերեքջյանը՝ 15 տարվա, Կարապետ Նշկյանը (հեռակա կարգով)՝ 13 տարվա, Հակոբ Իշխալացյանն ու Հովհաննես Ասատուրյանը՝ 10-ական տարվա և Ալեքսանդր էթալիկյանը՝ 7 տարվա բանտարգելության³⁷:

«Պաշտպան Հայրենյացն» իր ճյուղերով տարածվել էր Արևմտյան Հայաստանում: Նրա հենարանը քաղաքի արհեստավորական դասն էր և շրջակա գյուղացիությունը «...Դրեթն բոլորը կամ բոլորովին կարոտ են, կամ օրը աշխատող և օրը ուտող»,—գրում էր Օրմանյանը «Պաշտպան Հայրենյացի» բանտարկված անդամների մասին³⁸:

1886 թ. սեպտեմբերին բանտից ազատված Խ. Կերեքջյանի ու Հ. Իշխալացյանի ջանքերով «Պաշտպան Հայրենյացը» որոշ աշխուժություն ապրեց,

35 ՄԱԶ կուստուրայի միևնույնության և. Զարեցի անվան գրականության և արվեստի թանգարանի արխիվ (ԳԱՍ), Թ. Ազատյանի ֆ., բաժին XII, վավ. 11507:

36 Նույն տեղում, վավ. 11508: Տե՛ս նաև «Մասիս», 1883, № 3463—3464:

37 Չորս գործիչներ դատապարտվեցին 6, իսկ 31-ը՝ 5-ական տարվա ազատազրկման: Միայն հետագայում պատժապի ժամկետները կրճատվեցին և 1884—1886 թթ. ընթացքում դատապարտյալները վերադարձան տուն:

38 ԳԱՍ, Թ. Ազատյանի ֆ., բաժին XII, վավ. 11512: Տե՛ս նաև ԴԱՔԱ, ֆ. Քաղաքային, 1881/1884, գ. 1625, թ. 83—85:

որը հանգեցրեց 1890 թ. Կարինի տարածած զինված ելույթին: Ընկերությունը ապրեց սոսկ կազմավորման շրջան և դադարեց գոյություն ունենալուց իր ձգտումների կենսագործման համար մղված պայքարի առաջին քայլերն անելիս: Բայց նրա գործունեությունը նշանակալից երևույթ էր արևմտահայ ազգային-ազատագրական շարժումների մեջ:

• • •

Թիֆլիսում, Բաքվում, Երևանում, Ալեքսանդրապոլում, Շուշիում, Մոսկրվայում, Պետերբուրգում, ինչպես նաև Եվրոպայի մի շարք քաղաքներում ստեղծված հայկական զաղտնի կազմակերպություններն ու խմբակները, շունենալով գործունեության միասնական ծրագիր, այս կամ այն կերպ նպաստում էին Արևմտյան Հայաստանում բորբոքված ազատագրական շարժումներին: 80-ական թվականների սկզբներին սկսվեց արևելահայ գործիչների՝ «ազատության զինվորների» պարբերական անցումը «Երկիր»՝ Արևմտյան Հայաստան, ինչպես նաև կամավորական խմբերի ստեղծումը՝ արևմտահայերին զինված օգնություն ցույց տալու նպատակով: Այդ շրջանում Պետերբուրգի հայ ուսանողներից շատերը թողնեցին ուսումը, մեկնեցին Տուլա՝ զինագործություն սովորելու Իսկ ավելի ուշ անցան Թիֆլիս, ապա Պարսկաստան ու տեղակայվելով Մակուում, զբաղվում էին զենք հայթայթելու գործով:

1881—1882 թթ. Մոսկվայի հայ ուսանողության ջանքերով ձևավորվեց մի զաղտնի կազմակերպություն՝ «Հայրենասերների միություն» անունով: Կազմակերպությունն իր խմորատիպ թերթի՝ «Ազատության ավետարների» էջերում ու հրապարակած մարտաշունչ թուղթիկներում, մի քանի տարի շարունակ, սոցիալական ու ազգային-ազատագրական պայքարի էր կոչում հայ ժողովրդին:

«Միության» ղեկավարները, հատկապես «Ազատության ավետարների» փաստական խմբագիր Ներսես Արելյանը, կրում էին ռուս նարոդնիկների ազդեցությունը և հետապնդում օտար ու սեփական կեղերիչներից հայ ժողովրդին ազատագրելու նպատակ: Կազմակերպության աչքի ընկնող և հիմնադիր անդամներից էին նաև Դավիթ Ներսիսյանը, Թամար Աղամյանը, Միքայել Զալյանը, Աբգար Արտեմյանը, Սիմոն և Սրապիոն Տեր-Գրիգորյան եղբայրները և ուրիշներ: «Հայրենասերների միության» գործունեությունը 1884 թ. արդեն խաթարվեց, բայց այն իր գոյությունը սահպանեց մինչև 1886 թ.:

«Միությունը» կապեր էր հաստատել նաև տակավին 1881—1882 թթ. ձևավորված ու Երևանում գործող «Հայասեր-ազգասեր» կազմակերպության հետ³⁹, «Հայասեր-ազգասերը» դատապարտում էր փոքրամիջ ժողովուրդների նկատմամբ ցարիզմի վարած զաղութային քաղաքականությունը, աշխատավոր ժողովրդին հորդորում պաշտպանել իր իրավունքները: Տարածում էր հայ թագավորների ու ղորավարների, Անիի և Հին Հայաստանի այլ քաղաքների նկարները, ինչպես նաև «Մայր Հայաստան» («Հայաստանի ոգին») հանրահայտ նկարը:

³⁹ Ժամանակակիցներն ըստ երևույթին այդ կազմակերպությունը կոչել են ինչպես «Հայասեր», այնպես էլ «Ազգասեր» անուններով, բայց այժմ պատմագրության մեջ շփոթության տեղիք չտալու համար (երբեմն կարծել են, թե սրանք երկու տարբեր կազմակերպություններ են եղել) ընդունված է կոչել «Հայասեր-ազգասեր»:

Կազմակերպության ակտիվ գործիչներից էին «Արաքս և Կուր գետերի գանգատը» բանաստեղծության հեղինակ Ռուբեն Զալալյանը (Հասան-Զալալյան), Երևանում հրատարակված առաջին հանդեսի՝ «Առողջապահական թերթի» (1881) հիմնադիր ու հրատարակիչ, բժիշկ Լևոն Տիգրանյանը, Վասիլ Եղիազարյանը, Հովհաննես Տեր-Զաքարյանը, Երևանի հայկական իգական դպրոցի տեսուչ Գայանե Հովհաննիսյանը, «Պասակ» թերթի խմբագիր Վասակ Պապաջանյանը, Տրդատ Վարդանյանը, Թովմաս Մհերյանը և ուրիշներ:

Ընկերության անդամները նամակագրություն ունեին Րաֆֆու հետ, որն իր նամակներից մեկում Ռուբեն Զալալյանին խնդրում էր օգնել Կ. Պոլսի «Արարատյան» ընկերության հանձնարարությամբ արևմտահայերի ազատագրման ծրագրերով Անդրկովկասում շրջող Շահնազարին⁴⁰:

Կազմակերպությունը «Հրատարակչական ընկերության» անվան տակ, զբաղվում էր հանգանակությամբ և այլ միջոցներով նոր տիպի զենքի ձեռք բերմամբ ու այն, ինչպես նաև զոմարի որոշ մասը, Արևմտյան Հայաստան և Կարսի շրջանում հարցով: Ռ. Զալալյանը և Լ. Տիգրանյանը, կապեր ստեղծելով արևմտահայ գործիչների հետ, Հայաստանի երկու հատվածներում միաժամանակյա ապստամբության հորդորներ էին ստանում նրանցից⁴¹:

1883 թ. մարտին «Հայասեր-ազգասեր» կազմակերպությունը բացահայտվեց և նրա ղեկավարները արքայազններին, Երևանում կատարված խուզարկությունների ժամանակ Ռուբեն Զալալյանի մոտ հայտնաբերվեցին Րաֆֆու՝ նրան հասցեագրված 1879 թ. օգոստոսի 16-ի նամակը և այլ գրություններ: Սրանք պատճառ դարձան «Մշակի» խմբագրությունում և Գր. Արծրունու, ապա Րաֆֆու բնակարաններում կատարված խուզարկության, որի հետևանքով «Մշակը» ժամանակավորապես դադարեցվեց, իսկ Րաֆֆին ենթարկվեց տնային կալանքի: Վասակ Պապաջանյանի մոտ կատարված խուզարկության ժամանակ գտնվեց «Հայրենասերների միության» հրատարակած կոչերից մեկը: Երևանի զինազիյայի աշակերտ, 20-ամյա Ավետիս Օհանջանյանի ձեռքակալության ժամանակ հայտնաբերված նամակների հիման վրա խուզարկության ենթարկվեց հեռավոր Բոգորոդսկում հանգստացող Սրապիոն Տեր-Գրիգորյանի բնակարանը, և այնտեղ գտնված թուղթիկների ու նամակների հետքերով հետապնդումներ սկսվեցին նաև Պետերբուրգի, Մոսկվայի ու Խարկովի հայ ուսանողության նկատմամբ:

«Հայասեր-ազգասերի» անդամների հետաքննության արդյունքները, եզրակացության հետ միասին, ուղարկվեցին բարձրագույն իշխանություններին, որտեղ դրանք որոշ ժամանակ մնացին անհետևանք: Սակայն հայկական դպրոցների փակման նախօրյակին՝ 1885 թ. հունվարին, Երևանում ստացվեց ցարի հրամանը մեղադրվածներին քաղաքից արտաքսելու մասին: Լ. Տիգրանյանը երեք տարով արքայազն Դուրպատ, Ռ. Զալալյանը, Հ. Մատակյանը, Հ. Տեր-Զաքարյանը և Գ. Հովհաննիսյանը՝ Օդեսա, Թ. Մհերյանը՝ Կազան⁴²:

Արևմտահայության աղատագրման հարցով եռանդուն էր զբաղվում Թիֆլիսում կազմակերպած Արծրունու խմբակը, որտեղ գործուն գեր ունեին Րաֆ-

40 Տե՛ս ՍՄՄՄ ԿԳՊԱ, ֆ. 1405, 1883—84 թթ., ց. 83—84, գ. 11224, թ. 1—279, հոսքը վերաբերում է Կ. Պոլսի «Դպրոցատիրաց-Արևելյան» ընկերության տնօրեն Հ. Շահնազարին, որն այդ օրերին գտնվում էր Թիֆլիսում:

41 Տե՛ս ՍՄՄՄ ԿԳՊԱ, ֆ. 115, ց. 2, գ. 12, թ. 1—23:

42 Տե՛ս Թ. Խ. Հակոբյան, Երևանի պատմությունը (1879—1917 թթ.), էջ 219—220:

Ֆին: Այս խմբակը 80-ական թվականների սկզբներին համագործակցում էր ինչպես Մոսկվայի «Հայրենասերների միության» նրանի «Հայասեր-ազգասերի» այնպես էլ Կ. Պոլսի և Արևմտյան Հայաստանի գաղտնի խմբակների հետ: Պատահական չէ, որ Գր. Արծրունու գրական-հասարակական գործունեության 25-ամյակի առթիվ Վանից ուղարկված նվերի՝ խաչածև սերերով ոսկյա վահանի վրա գրված էր. «Թուրքահայաստանի ազատագրման առաջնորդին»:

Թիֆլիսի խմբակում Արծրունու և Բաֆֆու հետ միասին գործում էին «եռնթում» անամահացած բժշկապետ, 1881 թ. Թիֆլիսում ստեղծված «Կուլկասի հայոց բարեգործական ընկերության» նախաձեռնող ու հիմնադիր Բագրատ Նավասարդյանը, գեներալ Դմիտրի Տեր-Ասատուրյանը, հայ մեծանուն գրամատուրգ Գարրիել Սունդուկյանը, Արսեն Թոխմախյանը, Ալեքսանդր Ստեփանյանը (Սև Սանդրոն), Աբրահամ Դաստակյանը և ուրիշներ: Հատկապես «Կուլկասի հայոց բարեգործական ընկերության» միջոցով խմբակն արագ ձուլավորվում էր, որպես սկզբունք պահպանելով միմյանց շնանալիս և գրագրությունը ծածկադիր այրուբենով կատարելու պայմանը⁴³:

Խմբակի հիմնական նպատակը արևմտահայությանը Թուրքիայի լծից ազատագրելու խնդիրն էր, որին պետք է ակտիվորեն մասնակցեին իրենք՝ արևմտահայերը: Ըստ որում կային տակտիկական տարաձայնություններ. հատկապես ապստամբության նախապատրաստման գործում արևմտահայերին օգնելիս նախապատվությունն Արևմտյան Հայաստանի այս կամ այն նահանգին տալու հարցում: Գր. Արծրունին ու Բաֆֆին ավելի կապված էին Մուշի և Ալաշկերտի հետ: «Պաշտպան հայրենյացի» հետ համագործակցում էին հատկապես Բ. Նավասարդյանը, գեներալ Գ. Տեր-Ասատուրյանը և Գ. Սունդուկյանը: Վերջինս մի քանի տարի դրանից առաջ Բ. Նավասարդյանի ազդեցությամբ արդեն մտերմացել էր արևմտահայերի ազատագրման ջատագով անձանց հետ, իսկ ավելի ուշ դարձել Թիֆլիսի գաղտնի խմբակի եռանդուն մասնակիցը: Այս մտայնությունն էլ մղեց նրան զեռ Բեռլինի վհահաժողովի օրերին Նվրոպայից գրել Թիֆլիս՝ կնոջը. «Ինձ թն կու սիրես, իմ քաղցր Սոնա ջան, ուխտ դի աստծո մող, որ քու երեխանց հիդ քու ասկի լեզուն խոսիս»⁴⁴: Իսկ կյանքի մայրամուտին, սրտում անթեղած հռչակով ժողովրդի ահռելի վիշտը, իր կտակում նա գրում էր. «Մենա բարով սիրելի ու պաշտելի ասկ. Աստուած վաթանիդ արժանի անե»⁴⁵:

Իրեն ամբողջությամբ հայ ժողովրդի ազատագրական պայքարին էր նվիրել Թիֆլիսի խմբակի անդամ Արսեն Թոխմախյանը: Հայրենաշունչ ղեկուցումներով նա մերթ երևում էր Թիֆլիսի հասարակական սրահներում, մերթ որպես կազմակերպիչ շրջում Անդրկովկասի հայաշատ քաղաքներում, այցելում վան, Կ. Պոլսի, Կարին: Ավելի հաճախ Ա. Թոխմախյանը հայտնվում էր Մակուում, որը նա առաջարկում էր հանգանակությամբ հավաքած միջոցներով զենք Պարսկաստանից և դարձնել հայ ազատագրական շարժման կենտրոն:

1883 թ. օգոստոսին Ա. Թոխմախյանի հետ «Երկիր» էին անցել նաև Հայկ-Օննիկը (Հայկ Մեկր-Դադյան), Տիգրան Փիրումյանը, Սանդուր

43 Տե՛ս Բ. Գեղամյան, Հիշողություններ (Երևան, 1906, № 4):

44 Գ. Սունդուկյան, Երկրի լիակատար ժողովածու, հ. 4, Երևան, 1961, էջ 348:

45 Գ. Սունդուկյան, Երկրի լիակատար ժողովածու, հ. 3, Երևան, 1952, էջ 494:

(Ալեքսանդր Պետրոսյան) և ուրիշներ, 1880-ական թվականների սկզբներին, Վանից Պարսկաստան տանող ճանապարհին զոնվող ս. Բաբղուղիմեսի վանքի բակի մի անկյունում, Աղբակի սովայլուկ որբերին հավաքած ուսուցանում էր կովկասահայ մի երիտասարդ՝ Զաքի անունով, բայց ավելի հայտնի «Կարմրաշապիկ վարժապետ» անվամբ, շնորհիվ իր զարդալիցականի կարմիր վերնաշապիկի, որը միշտ կրում էր։ Դա «Երկիր» անցած առաջին «սերմնացաններից» էր, հետագայում ճանաչված գործիչ Բագրատ Թավաթյանը։

Հայրենասիրական մղումները «Երկիր» տարան նաև Կարապետ Փիլիպոսյանին (Հարություն Ստեփանյան), որը կարճ ժամանակ Վանի վարժապետանոցում ուսուցչություն անելուց հետո, ծառայության անցավ ռուսական հյուպատոսարանում⁴⁶։ Կամսարականի մոտ, որը նրան հնարավորություն էր տալիս ազատ երթևեկելու Վան—Կարին—Կ. Պոլիս, ինչպես նաև Ալաշկերտ—Նրևան—Թիֆլիս երթուղիներով։

Արժուճու խմբակի գոյությունը դադարեց 1883—1884 թթ., երբ պարզվեց, որ ռուսական կառավարությունն այլևս չի ցանկանում, որ արևելահայերն զբաղվեն արևմտահայության հարցով։

Թիֆլիսում 1882—1883 թթ. ձևավորվեց ու մինչև 1886 թ. հարատևեց նաև մինչև այդ գործող նարոդնիկական ինտերնացիոնալ կազմակերպությունից անջատված հայ նարոդնիկական առաջին խմբակը, որի կազմում էին Մուկվայից Թիֆլիս ժամանած Ներսես Աբելյանը, Աբրահամ Դաստակյանը, Դավիթ Ներսիսյանը, Թամար Աղամյանը, Քրիստափոր Միքայելյանը, Ալեքսանդր Պետրոսյանը (Սանդալ), Խաչատուր Մալումյանը, Գաբրիել Միրզոյանը, Գևորգ Ղարաշյանը, ապա նաև Սիմոն Զավարյանը, Գալուստ Տեր-Մկրտչյանը (Միաբան) և ուրիշներ։

1885 թ. փետրվարի 22-ին հրապարակված հայրենասիրական ցանկոտ թուղթիկում խմբակը մարտահրավեր էր նետում «իրեն հատուկ բռնակալությանը» հայական դպրոցները փակող ռուսական միապետությունը և կոչ էր անում ժողովրդին պայքարի դրոշ պարզել ռոմապետներ Ալեքսանդր III-ի, նրա մինիստրների ու Կովկասի փոխարքայի դեմ⁴⁶։ Խմբակը հրատարակում էր «Դրոշակ» խմբորտիսկ լրագիրը և, արևմտահայերի ազատագրման տեսական հարցերի քննության հետ միասին, նյութական օգնություն կազմակերպում «Երկիր» մեկնողներին, աշխատելով տեական կապեր պահպանել նրանց հետ։

Հայրենասիրական միություններ էին ստեղծվում Բուլղարիայի տարբեր քաղաքներում, ինչպես նաև Ռումինիայում, Ֆրանսիայում, Անգլիայում և այլուր։ 1882 թ. սեպտեմբերին վառնայում կազմակերպված «Հայրենասիրաց ընկերությունը» 1883 թ. ընդունում է 93 կետից կազմված ընդարձակ մի կանոնադրություն⁴⁷։ Այս ընկերությունը փորձում էր կապեր հաստատել ինչպես Թուրքիայում, այնպես էլ եվրոպական երկրներում գործող հայկական հայրենասիրական կազմակերպությունների հետ և ջանում նպաստել մեծ տերությունների կողմից 61-րդ հոդվածի կենսագործման համար ձեռնարկելիք միջոցառումների ապահովմանը։

46 ՏՅ՝ ՆՍՍՀ ԿՊՊԱ, ֆ. 114, ց. 2, գ. 53, ք. 3։ նաև Գ. Ղառաջյան, Հայ անգրանիկ հեղափոխական խմբակը Անդրկովկասում, Թիֆլիս, 1927, էջ 50—55։

47 ՏՅ՝ «Հայրենասիրություն հայրենասիրաց ընկերության ի վառնա», Կ. Պոլիս, 1889։

1885 թ. հոկտեմբերին Բուլղարիայում գործող հայոց հայրենասերների միությունը, որն իրեն պաշտոնապես կոչում էր «Հայրենիքի իրավունքների պաշտպանության կոմիտե» և հաճախ հանդես էր գալիս Եվրոպայի բոլոր հայ հայրենասիրական կազմակերպությունների անունից, Վառնայի ուսուցչական փոխհյուպատոսին է հանձնում Ռուսաստանի արտաքին գործոց մինիստրին հասցեագրված մի դիմում, որի նամակները ուղարկվում են նաև մյուս մեծ տերությունների կառավարություններին, նրանց ուշադրությունը հրավիրելով բնաջնջման վտանգի առջև կանգնած արևմտահայության վրա⁴⁸։ Այս ընկերություն էր, որ Վառնայում հրատարակեց «Իրավունք» թերթը, որը երեք ամսվա կյանք ունեցավ միայն և որի էջերում հայ ժողովրդի պայքարի ու պատմական Հայաստանի տարածքում քաղաքական միավորման կոչ էր արվում⁴⁹։ Բուլղարիայից հասնում էին նաև եվրոպական զինվանագիտության վրա հույս չդնելու, սեփական ուժերով, համաժողովրդական հեղափոխությամբ ազատագրվելու կոչեր⁵⁰։

1885 թ. վանից արտաքսված Մ. Փորթուզայանն անցնում է Եվրոպա, հաստատվում Մարսելում ու ձեռնարկում «Արմենիա» թերթի հրատարակմանը։ Այս հետևելով Գր. Արծրունուն և իր մյուս նախորդներին, նա բուլղարների օրինակով պայքարի է կոչում արևմտահայությանը։

Ավելի ուշ՝ 1889 թ. նոյեմբերից, լոնդոնում ֆրանսերեն լեզվով սկսեց լույս տեսնել նաև Բուրբուկյան հետապնդումներից խույս տված Մինաս Զորադի «Հայաստան» («L'Arménie»), որի էջերում տպագրվում էին հայ ժողովրդի ինչպես խաղաղ առաջադիմության, այնպես էլ պայքարի կոչող հոդվածներ։

Վասպուրականում ամրապնդվում ու հզորանում էր Մ. Փորթուզայանի և նրա թերթի հետ իր անունը կապած Արմենական կազմակերպությունը, որի գործունե ղեկավարությունն իր ձեռքն էր առել Փորթուզայանի եռանդուն հետևորդներից մեկը՝ Մկրտիչ Ավետիսյանը (Թերլեմեզյան)։

Արմենական կազմակերպության ծավալած գործունեությունը, հատկապես արևմտահայերի ինքնապաշտպանության կազմակերպման ուղղությամբ նրա ձեռնարկած գործունե միջոցառումները, լայն արձագանք գտան արևմտահայության մեջ։ Այդ կազմակերպությունը, շնայած իր գործունեության երբեմն շատ հեռուն ձգվող շառավիղներին, որոշ իմաստով պարփակված էր ու կրում էր տեղային բնույթ։

Արմենականները հայտարարում էին, որ իրենք, արտաֆայտում են ոչ միայն Վասպուրականի հայ ազգաբնակչության, այլ ամբողջ արևմտահայության համընդհանուր շահերը՝ Թուրք և քուրդ հարստահարիչների դեմ ինքնապաշտպանության կազմակերպման, ապա և օսմանյան դարավեր լծից հայ ժողովրդի վերջնական ազատագրման մտայնությունը։

• • •

1880-ական թվականների երկրորդ կեսին հայ ազատագրական շարժումն արգասավորվեց նաև հայդուկային պայքարի հախուռն թափով։ Տա-

⁴⁸ Տե՛ս «Геноцид армян в Османской империи», Сборник материалов, Ереван, 1966, стр. 10—13.

⁴⁹ Տե՛ս С. В. Овкянян, Армяно-болгарские исторические связи, Ереван, 1968, стр. 217—220.

⁵⁰ Տե՛ս Զ. Ճանկույան, Հիշատակներ հայկական ճգնաժամին, մասն Ա—Բ, էջ 133—134.

կապին 1884 թ. բանտից ազատված Հակոբ Սարկավազը նորից երևաց հնոստում, ապա Կարինում՝ բորբոքվող ազատագրական շարժումների առաջավոր զինաբերում։ Վեց տարի շարունակ, որպես ճանաչված հայդուկ և ազատագրական շարժման գործիչ, նա շելխի կամ վանականի տարազով շրջում էր տեղից-տեղ, փոխադրում էր զենք, զրազվում հայ-բրգական դաշինքի իրագործման, ինչպես նաև Կարինում ազատագրական նոր, զաղտնի կազմակերպություն ստեղծելու գործով։

1886—1889 թթ. վանում հայրենասեր երիտասարդության զուլա էր կանգնած՝ հետագայում հայ նշանավոր նկարիչ Փանոս Թերլեմեզյանը։ 1889 թ. ստիպված հեռանալով վանից, ուխտավորի տարազով նա անցնում է Մուշ և այստեղ մտերմանում ազատագրական շարժմանը հարած Ստեփան անունով մի երիտասարդի հետ։ Սրանք կապեր են հաստատում սասունցի Արաբոյի, Ռուսաստանից զենքի փոխադրությամբ զբաղվող Լևոնի և Մխո Շահենի (Սեֆերյան) հետ, որոնք արդեն ճանաչված Մարգար վարժապետի հետ մեկտեղ Տարոնի խանգավառ երիտասարդության ոգին էին դարձնել⁵¹։ Սրանք, ինչպես նաև Հակոբ Սարկավազը, Հունոն (սալմաստեցի Հարություն աղա) և ուրիշներ, ազգային-ազատագրական շարժման նոր շրջանի առաջին հայ ֆեդայիներն էին, որ հանդես եկան 1885 թ. սկսած։

80-ական թվականների վերջերին, 90-ականների սկզբներին նրանցալում ու Սեբաստիայում գործում էր Հովհաննես Մինասյանի (Մինաս օղլու) հայդուկային խումբը, որի գործունեության շառավիղները հասնում էին մինչև Սամսոն ու Տրապիզոն։

Հայդուկային-ֆեդայական շարժումը, ազգային-ազատագրական պայքարի թևակոխ հատվածական, բայց ըմբոստ ու արդարացի մի ձև էր, իր դասակարգային բնույթով հակաֆեոդալական, դյուղացիական-գեմեկրատական շարժում։ Սկզբնապես զրսևորվելով որպես տեղական հարստահարիչների դեմ ժողովրդի ինքնապաշտպանության համար զենքի դիմած փորրաթիվ խմբերի պարտիզանական պայքար, այն ուղղվեց այդ կեղերիչներին հովանավորող պետական պաշտոնեության ու կառավարության դեմ, ապա դարձավ օսմանյան բռնատիրությունը թոթափելու նպատակով հայ ազատամարտի տարերային ու հախուռն պայքարի կրողը։

Անշուշտ ոչ այնքան հայդուկային ռազմավարությունը, որքան հայ իրականության մեջ նրանց ծնունդն էր ողջունում այդ շարժումների անդրանիկ պատգամախոսը՝ Բաֆֆին, նրբ ոգևորված մատնացույց էր անում հեղափոխական հայդուկին, որպես բունակալական լծի տակ ճնշված ու հարստահարված, մարդկային բոլոր իրավունքները կորցրած ժողովրդի բողոք, որպես ստորևի ըմբոստացում իշխող բարբարոսության դեմ⁵²։

Թուրքական իշխանությունները շարունակում էին իրենց բռնությունները, կենտրոնական ու զավառական բանտերը լցնելով հաղարավոր անմեղ մարդկանցով։ 1886 թ. վանում բանտից ազատվեց Մկրտիչ Ավետիսյանը։ Սակայն մեկ տարի անց նա նորից ձերբակալվեց, այս անգամ Կ. Պոլսում, և աքսորի ճանապարհին փախավ Նվրդալա։ Նույն թվականի դեկտեմբերին Ալաշ-

⁵¹ Տե՛ս ՆՍՄԸ Պետական պատկերասրահի արխիվային բաժին, Փ. Թերլեմեզյանի ձեռագիր հուշերը։

⁵² Տե՛ս Բաֆֆի, Նրկերի ժողովածու, հ. 9, Նրևան, 1958, էջ 323—324 («Հայդուկներ»)։

կերտում ձերբակալվեց «Միացյալ ընկերության» տեսուչ Մկրտիչ Սարգյանը, իսկ Մուշում՝ ընկերության անդամ և Վանի գավառական ժողովի ատենապետ Մարկոս Նաթանյանը։ Այդ օրերին Վանում խմբերով բանտ նետվեցին նաև բազմաթիվ աշակերտներ 1887 թ. Հերյարից շղթայակապ Վան տարվեց Արսեն Թոխմախյանը։ Թաքցրած զենք գտնելու հսկսով, թուրք ժանդարմները ներխուժեցին Վարազ և տակն ու վրա արեցին ողջ վանքը, ինչպես նաև Ալյուր գյուղի եկեղեցին։ «Արտուսը Հայաստանի» աշխատության համար արսուրվեց Պողոս Նաթանյանը։

Ձերբակալություններն ուժեղացան հատկապես 1889 թ., երբ Գոլոշյանն ու Ագրիպասյանը «երկիր» անցնելու ճանապարհին ընդհարվեցին թուրքական ոստիկանության հետ, ինչպես նաև Տարոնի պատուհաս Մուսա բեյի կողմից Արգամանքի գյուղապետ Օհանին ողջակիզելու և հայ երիտասարդ գեղջուհի Գյուլիգարին առանգելու առթիվ ծագած ժողովրդական դժգոհությունները զսպելու համար։

Երբ մեծ տերությունների ղեսպանությունների ճնշման տակ և եվրոպական հասարակական կարծիքին տեղի տալով 1889 թ. Բ. Դուռը 4. Պոլիս կանչեց հիշյալ Մուսա բեյին՝ նրա կատարած հրեշավոր հանցագործությունների մասին հաշիվ պահանջելու, փորձված ավազակը պատասխանեց, որ էթն համարձակվին իրեն պատժել, ինքը կհրապարակի իշխանության ներկայացուցիչներից ստացած այն նամակները, որոնցով իրեն մղում էին եղևոնագործության⁵³։ Նույն թվականին 4. Պոլսում խաղացվեց Բ. Դուռն կողմից հրահանգված մի դատ, որը փաստորեն ավարտվեց Մուսա բեյի արգարացմամբ և դատական ծախսերը դրվեցին Մուշի կեղերված ազգասակչության վրա։ Այդ դատավարության մեջ Բ. Դուռը, անշուշտ, առաջին հերթին հետապնդում էր հայ-բրդական հարաբերությունների սրումը։ Միայն միջազգային հասարակական կարծիքի ճնշման տակ սուլթանը ստիպված եղավ առժամանակ արտը ուղարկել Մուսա բեյին։

Տակավին 1883 թ. Լազարյան ճեմարանից հեռացավ և 1884 թ. «երկիր» անցավ 17-ամյա Վարդան (Ալեքսանդր) Գոլոշյանը 1884—1885 թթ. նա Վանում կապեր հաստատեց տեղի հայրենասեր երիտասարդների հետ, այնտեղից անցավ Սալմաստ ու ստանձնեց ուսուցչի պաշտոն։

1886 թ. Վ. Գոլոշյանը նորից Վանում էր, ապա Մուշում, Սասունում, Շատախում, իսկ 1887 թ. Թիֆլիսում, որպես եռանդուն մասնակիցը մամենուր կազմակերպվող հայրենասիրական խմբակների։ Այդ շրջանում Թիֆլիսի երիտասարդ հայրենասերների հավաքներին մասնակցում էր նաև 18-ամյա Հովհաննես Թումանյանը⁵⁴։ 1888 թ. իր մտերիմներից մեկի՝ Ներսես Մարտիրոսյանի ու Երևանում իրենց միացած Բարսեղ Մելիք-Գրիգորյանի հետ միասին, Իդրիբի վրալով, որտեղ նրանց օգնեցին տեղի երիտասարդ ուսուցիչներ Ա. Ահարոնյանը և Հ. Խոջանեկյանը, Գոլոշյանը մեկնում է Մուշ։ Վան, ապա անցնում Սալմաստ և Հարթվանում նորից մի կարճ ժամանակ զբաղվում ուսուցչությամբ։

1889 թ. մայիսի 15-ին, Հակոբ Սարկավազի հաղուկային խմբին միանալու մտադրությամբ նա իր երկու ընկերների՝ Հովհաննես Ագրիպասյանի

53 Տե՛ս «Արձագանք», 1889, № 36։

54 Տե՛ս Արամ Իճևիկյան, Հովհաննես Թումանյան, Երևան, 1969, էջ 199—200։

և Կարապետ Գուլագսյանի հետ մեկտեղ Սալմաստից դուրս գալով նորից բռնում է Վանի ճանապարհը:

Աղբակն անցնելուց հետո, Զուխ Գյաղուկ կիրճում, որը Քաշկայեից (Հայդամակնոտ) Վան տանող անցքն էր, Սպիտակ կոշված աղբյուրի մոտ եռակը անակնկալի է բերվում թերևս պատահականորեն այդ կողմերով անցնող թուրքական ոստիկանների մի ջոկատի կողմից և անհավասար մարտում, վիրավորելով երկու ոստիկանի, Գուլոշյանն ու Ագրիպասյանը քաշաբար կոշվում ու ընկնում են, իսկ Գուլագսյանին հաջողվում է փախել և խույս տալ հետապնդումից: Ժողովրդի ազատագրման գաղափարին նվիրված հայ-բեռասեր այս երիտասարդները հայ ազատամարտի ճանապարհին ընկած առաջին նահատակներից էին:

4. ԹՈՒՐԲԱԿԱՆ ԼՍԻ ՏԱԿ ՀԵՏՈՂ ԺՈՂՈՎՈՐԴՆԵՐԻ ՀԱՄԱԳՈՐԾԱԿՑՈՒԹՅԱՆ ԽՆԴԻՐԸ

Արևմտահայ ազգային-ազատագրական շարժման ուղիներում վաղուց էր ձևավորվել թուրքական լծի տակ հեծող մյուս ժողովուրդների հետ համեմարաշխվելու, հատկապես հայ-թուրք-ասորական դաշնակցության գաղափարը: Թուրք ցեղապետների սանձարձակ ասպատակությունները, որոնց մշտապես ենթակա էր արևմտահայությունը, թուրքական իշխանությունների հրահրմամբ հաճախ ոչ միայն խաթարում էին հայ ազատագրական շարժումը, այլև վտանգ սպառնում հայ ժողովրդի ֆիզիկական գոյությունը: Այս հանգամանքն էլ մեծապես նպաստեց հայ-թրքական դաշնակցության գաղափարի ստեղծմանը:

XIX դարի 70—80-ական թվականներին, որպես Օսմանյան կայսրության հարստահարվող ժողովուրդների, հատկապես հայ, թուրք, ասորի և հույն ժողովուրդների միասնական պայքարի ջատագովներ հանդես եկան Րաֆֆին, Մ. Խրիմյանը, Գ. Սրվանձությանցը, Ա. Թոխմախյանը, Ս. Տեկանցը և շատ ուրիշներ:

Րաֆֆին, որ իր պատմական աշխատություններում իսկ բարձրացնում էր ժամանակի հուզող հարցերը, հետևողականորեն շոշափում էր նաև հայ-ասորական դաշինքի խնդիրը, իսկ «Սամվելում» ուղղակի շեշտում՝ ասորիների հետ համերաշխվելու անհրաժեշտությունը: Ասորիները «...օր մը չէ օր մը հայոց հետ կարող են միանալ զիրենք հարստահարող բռնավորաց դեմ», — ասում էր Տեկանցի հերոսը և նույնիսկ իր ծրագիրն առաջարկում նրանց առաջնորդին⁵⁵:

Վասպուրականում կենտրոնացված էր քրիստոնյա ասորիների 70—80-հազարանոց մի համայնք, որի անդամների մեծ մասը, առաջնորդից սկսած, մշտապես զինված էին: Ասորիների առաջնորդը՝ մարշիմոնը, հասկանում էր քրդերի միջոցով քրիստոնյաներին հայածելու և ոչնչացնելու Բ. Դուան հետին նպատակը, ուստի ինքն էլ, հատկապես նրան ենթակա մեխիթեններ, հայ-ասորական, ինչպես նաև հայ-թուրք-ասորական դաշնակցության ջատագով էին, մանավանդ, որ ասորիներն ընդունում էին Կ. Պոլսի հայոց պատրիարքի իրավասությունը՝ միջնորդի ղեկ կատարելու Բ. Դուան և իրենց միջև:

⁵⁵ Տճ՝ Ս. Տեհ-Սարգսենց (Տեկանց), Շահենի Սիպիր, էջ 150—153: